

無上黃籙大齋立成儀卷之二十九

竹九

无上黄籙大齋立成儀卷之二十九 笱

太上執法仙士蔣叔興撰

科儀門

鍊度幽魂醮獻儀

先於鍊度所或大道前鋪設醮筵三十六

分位或二十四分位周備畢道衆齋官請法師行事

蕩穢 上香 燒香頌

法師對聖啓白

具法位臣某焚香上啓

大羅玉清無極無上至真大道元始天尊太上大道君太上老君北極紫微大帝南極長

生大帝朱陵大帝太一救苦天尊九天生神
大帝三十二天帝君東華太公西靈金母護
魂侍魄養炁通血中主五帝真君日君月君
北斗七元君南斗六司君靈寶五師君三省
五府真宰南昌上宮長生大君韓君司馬廻

竹九

骸起死君無量度人君度命成僊真君南極
九華真人玉清元始法師太極左仙公五嶽
總領真君南陵樞府朱陵火府南昌上宮黃
籙真宰靈寶仙曹追攝鍊度官君將吏北陰
酆都大帝五嶽聖帝水府扶桑大帝歲德尊

神社令城隍五道土地三界應感一切威靈
臣聞教闡紫清開八門而拯度經傳碧落宣
九鍊以返生普為沉淪濟諸苦惱滌除罪垢
鍊化生方臣謬以下愚叨傳上法身濫司於

濟度職敢怠於宣謄今據齋王某

正薦亡親
其人普薦

在會開建无上黃籙大齋三晝夜普設九泉

六道清淨無礙夜齋護度靈儀遷升道境爰
備蘋蘩之薦少殫豺獮之誠伏乞真聖監觀
仙靈降格迂迴景馭大沛天恩俯賜威光監
臨鍊度臣與齋官某等無任虔請仰望恩光

之至謹稽首再拜

上香

具法位 臣某誠惶誠恐稽首再拜奉請

无上至真三寶上帝北極紫微大帝南極長

生大帝朱陵大帝太一救苦天尊恭望

竹九

天慈應感分輝垂慈降鑒謹上請

九天自然生神上帝五老五帝君三十二天

帝君木公金母日君月君北斗七星君南

斗六司星君靈寶五師真君四聖真君三省

五府真君元始法師太極仙公南昌上官長

生大君南上朱陵火府君南宮度命君韓君
司馬鍊度成仙真君南極九華真人迴骸起
死監生大神飛天神仙五嶽總領真君南陵
樞府朱陵火府南昌上宮黃籙院真宰北陰
玄天酆都大帝五嶽聖帝水府扶桑大帝伏
望聖慈垂光下降謹上請

靈寶自然至真無量度人真君仙吏丹天左
右侍衛大將軍靈寶赫奕仙曹天將大神九
鍊真司靈官仙吏混元十二炁化生大將軍
南昌掌水池火池使者主水主火大將軍飛

元聚靈諸使者六甲六丁諸大將軍金童玉
女火鈴靈童九光童子黃華玉女東井玉女
鍊度真人鍊度使者鍊度神將鍊度功曹鍊
度合會主執官君神虎大聖玉女三部追魂
使者追攝吏兵天醫大聖六職治官將吏功

付九

三

曹主者法錄治職真官從官歲德尊神三界
直符七道功曹社令城隍五道土地啓道童
子禁將神君地水職司導善官吏虛空監察
一切威靈伏望聖慈具官來降

百靈之上香 初獻

臣謹上啓

三清上帝太一慈尊三界十方衆聖伏聞一
炁肇分陰陽定位三元導養品物流形凡居
覆育之間咸賴生成之德習因異果業報殊
塗未除滅於妄塵遂轉輪於苦道非修觀行
難出化機上聖高靈垂慈接物說微妙法開
方便門蕩陰穢於黃華鍊陽精於流火俾資
道妙永固生根今齋主某崇修齋法遷拔亡
靈普爲幽沉宣行鍊度伏乞天光下濟惠澤
旁流勅勒真靈遵依符命分形降炁鍊景攝

生俾受度靈魂無邊滯爽五神混合絕五累
之苦根一性長存證一乘之真果克造無爲
之岸永清有漏之緣臣等無任懇禱之至

上香 亞獻

上啓靈寶鍊度官君將吏合會應感一切威
靈伏聞元始開圖分身下化虛皇御運立法
度人用恩祐於沉淪俾津梁於生死直符守
吏典侍靈文法局仙曹佐揚勝範宜共恢於
妙化以丕闡於皇猷銜命宣恩依儀行事上
遵道旨下濟沉魂成鍊胎返本之功著監真

度生之德惡緣斷絕永辭長夜寒池之鄉真
炁充盈徑上丹英火鈴之界惟神克享用副
精析神虎三部追魂使者天人地仙神鬼業
道功曹請屈道前承受文檄

上香 終獻

竹九

宣關子獻疏

上來誠悃已具敷陳竊揆真聰諒垂洞鑒塵
寰穢雜薦獻乖踈不罪凡微乞從昭宥鍊度
仙吏追攝官君太歲尊神城隍里域各遵大
教廣扇慈風啓闕冥關召集幽爽請伺本壇

普召之時部衛眾魂依儀受度立俟昭報火
急奉行

焚燎如儀

上清五府攝召幽魂全形昇度還神復

性儀先望鬼門排列香案次法事法師
行破暗開通道路法焚香正立誦

淨天地呪一遍吹四方存九鳳破穢真
官一人來衣皂幘跨丹鳳九首吐火於
前炎災燒身次步九鳳破穢置旋身三
匪存身於炎焰中變為九華真人其火
亘徹天地光照十方良父想元始天尊
引十方無極天真大聖上聖高真坐圓
光中心拜九
過密呪曰

元始登引天真大神上聖高尊妙行真人頃

光廻駕監真度生三心拜過

法師祝香

具位臣某謹焚香上奏

三清三境金闕至尊東極宮中尋聲赴感太
一救苦天尊十方靈寶天尊三界真司十方

竹九

五

主宰臣謬藉宿因叨傳上法功虧毫露釁積
丘山履地戰驚仰天兢悸冀弘宣於妙訓俾
普濟於幽沉既奉歸投敢忘關告以今伏為
齋主某正薦亡親某乙開建无上黃籙大齋
旁及六道四生孤魂滯魄依按真科宣行鍊

度除已奏陳齋意闕告真司召集靈儀來臨
法會尚慮幽明異道自取沉淪難覩光明莫
霑開度欲乞特頒道旨告下南方丹天火府
主令照燭陽光開通道路破除陰翳令詣玄
壇臣敢不滌慮澄心仰祈報應法師叩齒三通心拜三過

執開通道路符密呪曰

元始登引	天真大神	上聖高尊	妙行真人
十方無極	至真大神	傾光迴駕	監真度生
諸天丞相	南昌上官	韓司主錄	監生大神
執籙把籍	齊到帝前	隨所應度	嚴拔諸天

普告三界 無極神鄉 泉曲之府 北都羅酆

三官九署 十二河源 上解祖考 億劫種親

疾除罪簿 落滅惡根 不得拘留 逼合鬼群

元始符命 時刻昇遷 急急如長生大帝律

今三遍取天門炁一口吹符上彈訣

又呪曰

元始符命 時刻昇遷 北都寒池 部衛形魂

制魔保舉 度品南宮 死魂受鍊 仙化成人

生身受度 劫劫長存 隨劫輪轉 與天齊年

永度三途 五苦八難 超凌三界 逍遙上清

法師上香再祝曰

以今焚香上請可韓府獨隸府興生府功都
府聚魂府司命司錄司功司殺一切神君吾
今奉行符命鍊度六道四生孤魂滯魄除已
關告真司克取今時攝召前來赴壇受度切

竹九

六

慮冥途滯塞未能洞達准

上帝勅召南斗火鈴大將軍急飛火鈴照徹

無方洞達杳冥一如告命

步火鈴罡發火鈴訣
存火鈴六枚飛起

焚太一飛符祝曰

妙道之先混然無物三號分而今生九炁一

元判而肇有三才高澄凝滓天地位焉纖悉
散殊萬物備矣炁元無象人爲最靈善惡始
運於一心報對遂淪於六趣或生天道或在
人中或居神道之間或受地獄之苦或招餓
鬼之報或處畜獸之中一墮輪迴未易出離
以至盡玄空界積夜寒鄉絕無祭祀之孤魂
莫遂超昇之滯魄常炎飢火永隔陽光未落
滅於惡根徒流吹於苦海洪惟太上重軫哀
矜謂一切有情俱元始之祖炁故無邊弘濟
植大德之好生廣宣要法作人舟船普度衆

生作法梯撓垂百千相好開十二願門爰敷
度死之科用闡登真之路俾死魂之受鍊獲
仙化以成人削罪除愆拔難濟苦集諸善利
不可思議以今恭啓瓊科宣敷寶範敷陳法
食空歌洞章祥開五戶以遷神重請衆真而

十九

七

監度仰乘道力來赴靈壇領諸勝妙之囚永
脫輪迴之苦已夙憑於官將悉牒告於攸司
無滯幽沉來從引導伏請神虎使者追魂攝
魄官將三元將軍歲德尊神七道功曹六甲
使者依律召集攝赴靈壇具有檄文謹當宣

示

宣普召牒焚之

法師行持焚召
大將軍符

密呪曰

靈寶符命拔度六道四生孤魂滯魄出離地
獄水辭長夜五苦三塗不得拘留逼合鬼群

斷落死名急急如長生大帝律令

取天門炁
吹符焚之

召追攝將吏

謹召靈寶大法司南昌上宮南陵樞府朱陵

火府鍊度仙吏天將神君神虎三部追魂使

者天神地仙人鬼業道功曹地水主司城隍

社令承差部衛幽魂主吏仰聞今召疾速管
押六道四生孤魂滯魄赴壇交割仍仰禁止
狂魂猖魄整肅形神善臨壇所不得因時報
復讎怨侵犯生人玄憲昭垂各宜遵守儻或
有違罪難赦汝

當職道士執幡召攝

志心召請遍十方界盡玄虛際無邊苦爽一
切幽沉六道四生孤魂滯魄惟願乘三寶力
今夜今時來臨法會和受茲開度功德

歌廻黃章

太微迴黃旗 無英命靈幡 攝召長夜府

開度受生魂和不可思議功德師掐攝召訣

隨諱掐訣行持

師平讀祝曰

胎光幽精爽靈三魂歸空歸真天地正真炁

竹九

再聚汝形神此是五行造化真無藏無避無

逃形急急如上帝律令勅

又祝曰

三官北鄩 明檢鬼營 不得容隱 金馬驛呈

普告無窮 萬神咸聽 三界五帝 列言上清

急急如上帝勅師取東北炁吹播左營目
三存億萬鬼魂齊集壇下

次呪曰

魂神澄正 萬炁長存 不經苦惱 身有光明

復聚本形 復全本神 急急如長生大帝律令

默誦三遍取
東炁吹之

法師陞座道衆吟中篇導幽魂詣座

下參禮

法師祝曰

今仰承無上道力無上經力無上法力一切

天道一切人道一切神道一切地獄道一切

餓鬼道一切畜生道一切孤魂滯魄既已雲
集道場尚慮汝等生世之日或因雷霆水火
刑殺刀兵瘖跛聾盲厭呪蠱毒胎產擲隊一蟲
獸傷殘非命橫亡抱疾枉死魂魄蕩散神識
飄沉形相不完肢體未具陽間所患陰境亦
然雖詣法筵尚縈苦趣今當遵依教典告召
靈司奉行大法攝召真氣為汝等衆醫治疾
病解釋苦根返質全形還神復性然後蕩除
穢濁鍊化超昇各生恭肅之心勿墮崇修之
果

竹九

九

次上香祝曰

謹焚香上啓

青帝護魂君白帝侍魄君赤帝養炁君黑帝
通血君黃帝中主君朱陵火府真君南昌上
宮真君鍊度成仙真君靈寶天醫神吏治病
功曹鍊度真人靈官仙衆一切威靈願賜慈
悲降流真炁普爲男女衆魂醫治病苦完復
形神一如太上律令

廣度沉淪天尊

師存上件官吏下降
羅列左右前後衛護

次祝曰

玉清元始尊敕下天醫神完全枯朽骨並濟

度天人急急如元始無量度人律令次行五

誦五帝真

諱呪曰

墨黑子襪臘午靈寶中紅杏卯磨真酉

急急如長生大帝勅奉行取五嶽

執治病功曹符嘿祝曰

四生六道 十類有情 萬化所苦 一切成章

天光一攝 符命得昌 急急如長生大帝律

令取祖炁吹符焚之

興生辰獨隸卯可韓寅功都大指聚魂對魂

攝急急如長生大帝勅奉行取三塗五嶽炁

法師就座祝曰

迴骸起死已返於本初攝炁全形當資於生
化庶得魂神澄正身相光明惟大洞之玉符
乃上清之寶諱依科施用鍊汝飛昇

竹九

十

執大洞十八玉符祝曰

准上帝勅太乙元君命謹召腦神泥丸赤文

混洞噓噓君酉左目神通光玄真君離右目

神晨嬰陰精君離舌神騰陽正生君辰心神

玄珠玄玄君辰肝神青帝孟光君三指脾神

紫庭延年君子肺神皓洞季成君戊腎神太

淵求都君四指陰神續命伯強君坤胞神元

常秋夫君卯胎神含生寅和君卯結神九華

彥遐君卯節神杳浩空猷君卯血神中幽良

弼君辰精神元徐祝祝君坤炁神元英毳毳

君亥神神天生靈父君辰命神正中幽田君

坤急急速降奉為幽魂委炁聚形還神復性

取祖炁吹符宣
符文畢就焚之

梵炁普生天尊

執召五神混合符祝曰

准上帝勅太乙元君命謹召混洞太無天寶
之炁赤混太無靈寶之炁冥寂玄通神寶之
炁五方靈寶自然至真之炁天帝玉真無色
之境梵行之炁三元九真四梵四極之炁髮
神蒼華太元之炁腦神精根泥丸之炁眼神

竹九

十一

明上英玄之炁耳神空閑幽田之炁鼻神玉
瓏靈堅之炁口神玉池太和之炁齒神鐳鋒
羅千之炁舌神通命正倫之炁重樓十二太
一真君之炁心神丹元守靈之炁脾神龍煙
含明之炁膽神龍曜威明之炁肺神皓華虛

成之炁脾神常在魂停之炁腎神玄冥育嬰
之炁左青龍甲乙之炁右白虎庚辛之炁前
朱雀丙丁之炁後玄武壬癸之炁急急速降
正真生炁流入所鍊幽魂身中
取祖炁吹符焚之
即上英妙化無邊天尊

又祝曰

准上帝勅太乙元君命謹召六丁金童六丁
玉女六甲金童六甲玉女精藏神水藏神八
萬四千毛竅神三萬六千出入神二萬四千
息炁神一萬二千精光神一千二百形影神

三百六十骨節神玉童君玉女君白元君丹
田君三十六師子君師父君師母君桃康君
合延君上和君中和君下和君上元君中元
君下元君急急速降正真之神各守所鍊幽
魂形中取五方炁

億劫化形天尊

次祝曰

准上帝勅太乙元君命謹召三魂神台光爽
靈幽精謹召七魄神尸狗伏矢雀陰吞賊非
毒除穢臭肺各守本位不得妄違自然長生

將所結三塗五苦炁連印吹所度幽魂中

超真解脫天尊

師誦玉清生魂育魄保神內呪曰

七炁成真

六儀運虛

五靈續絕

二曜扶袂

旋網躍空

飛步雲宮

胚胎有始

塵劫無終

金城孕質

玉洞凝神

真炁內養

以成聖人

上入六虛

下洞幽泉

雲宮寶闕

中有真魂

出入福鄉

周旋生門

咀嚼靈芝

灌漱金泉

甘露川流

懸澍丹田

紫霞朝映

三炁凝煙

瓊室化仙

安坐金蓮

真儀掩日

塵劫為年

廿九

十二

金容出世天尊此以水洒之存億萬

壇下俟候開度

再祝曰

汝等幻身易滅心病難除地水火風之形往
日已散飢渴疾苦之念曠劫未忘今故為汝
生魂育魄復性還神形體不具者從此完全
病苦未痊者自今痊愈疾除罪薄落滅惡根
陰府不得拘留人天將行託化各宜整肅以
俟昇遷

靈源普潤天尊

汝等苦根散釋真性昭明宜沐浴於蘭蕩終
蕩除於業障庶得形神俱妙與道合真清衆
慈悲請行引導

靈寶普度大齋沐浴幽魂儀依法嚴潔
排辦浴室

二所桶貯香水各沉洞明
丹陽沐浴鍊度符於水中

竹九

十三

法師於案前祝曰

具法位臣某上啓

五老上帝三十二天帝君日月五星真君東

井星君臣聞仙真窈邈居不染塵至道玄虛

法無待物惟衆生之昏昧致業垢之牽纏開

明須假於真詮蕩滌必資於慧澤臣今伏為

某正薦七親某乙開建黃籙大齋普度六道

四生孤魂滯魄加持法水沐浴眾魂願賜慈

悲俯垂開度降流正真之炁灌注香湯之中

俾蠲熱惱之憂克起清淨之果見前清眾請

為讚揚師存日月混合六合宮赤光黃精二炁交映五色雲炁滿室三十二大黃

綠青赤蒼黑碧紫白日
月五星之炁交錯水中

眾詠東井頌

天河灌東井 石景水母精 圓光拂靈曜

玄暉瑩高明 元始披重夜 天人逐月生

沐浴蘭池上 龍負長庚瓶 金童洒香花
玉女流五星 冠帶濯玉津 鍊度五仙形
體香萬神降 乘景登高清

當職道士行科

先世迷真遂漂流於苦海今日受度得盥沐
於華池非仗殊因莫超淨境奉爲汝等上資
往生天界念三元品戒沐浴蕩穢呪

天澄氣清 五色高明 日月吐輝 濯鍊身形
神津內盥 香湯鍊精 光景流曜 煥映上清
炁不受邪 五腑納靈 罪滅三塗 禍消九冥

惡根斷絕

福慶自生

今日大願

一切告明

普受開度

昇入帝庭

玉虛澄輝已蕩除於陰穢金房度命再濯沐

於靈津庶永奉於真宗克常行於清淨奉為

汝等上資往生天界念金房度命呪

竹九

十四

天靈節榮

九孔肅清

五宮六府

神華鮮明

三元鎮固

萬炁充盈

金房度命

綠字返生

三鍊九化

昇入太清

三景同輝

天地齊并

飛行玄虛

遊宴紫庭

與平良具尺

與平良具尺

蕩黃華之水速致清虛歌綠字之篇能令飛

化俾惡根之永謝保道炁以長存奉為汝等
上資往生天界念緣字迴年內真呪

天地同清 洗穢除塵 鍊化九道 返形太真

百關納靈 節節受新 清虛鑒映 內外敷陳

日吉時良 度命迴齡 玉童玉女 為汝執巾

玄雲紫蓋 冠帶汝身 使汝長生 天地同根

洗心滌慮消累劫之冤愆攝炁成形脫五陰

之舍宅遂使凡塵不染真境常明速解情迷

無縈垢累奉為汝等上資往生天界念澡鍊

超昇呪

天朗氣清 爾身已精 塵穢消除 九孔受靈
使爾變易 還返童形 幽魂超度 皆得飛昇
激濁揚清 備臻於蠲潔 登真離苦 必假於莊
嚴 今則金房度命 玉女致靈 空歌洞室之章
畢齊電掣之盛 奉為汝等上資 往生天界 念

竹九

十五

三元品戒冠帶呪

五濁已清 八景已明 今日受道 罪滅福生

長與五帝 齊真上靈 次化衣

天河灌沐天尊 俟化水畢方止存幽
魂身相光明仙衣儼

然眾魂歡
忱可愛

汝等沐浴既周衣冠悉具畢蠲穢濁頓獲清
虛然須整飾魂儀來臨法會當使永除業垢
解釋三世之愆頓生陽輝昇入九天之路各
宜祇肅以待昇遷

三
次法師回向

即將向來沐浴功德無量無邊並用蕩滌一
切衆生結節根塵普令清淨爲如上緣念
大聖元始天尊太上大道君太上老君不可
思議功德

无上黃籙大齋立成儀卷之二十九



